

www.BibleForChildren.org

Matiu 26



Betai Daininua
amira pura
nusokarera waiko
be 6 ago itinu Yesu
meni Betani nate kei awenua.
Nu gita nata amira ana Lasaro
betaira ena awa-uzenu
seka wero erinua awa.
Nena ninoise itiwa Maria
meni boto kiaka zo ou zamare
kokopai zazo nuso nad zuma
bamubakere, awa puro Yesura te gutero giti tu
nuso meni te nuso gaenua awa. Ago wenu so
itiwa awa zama sere-sere wenua awa.



Be amire Yudas Iskeriot, nu bua mai 12 amira zo, ami Yesu kereniro gera potamu sero pris babezinomara nana bamunua awa. Bamunu nukare ge nuso niniro yawa sara wero numore ego sewa awa, "Ago wasa nakare omata eni nimore potamunonakare."

Ago sewa giro nu Yesu gera potaira ebata tamamu bua wenua.



Are Yesu meni ge awa senu bua
mai nuso meni dimuro Betai
Daininua amira bona sawero
sia-masia wewa awa. Nukare nena
ninoise itiwa Yesu meni porong
pumuro Anutire kokopai asero
eweweniro bua mai nusore
potitinoise ego senua awa,
"Pumuro niu. Ei awa
pisi naso."



Ago sero akou ou wainre zo
pumuro Anutire kokopai asero
numorekare potitinoise ego senua
awa, "Nikare dapikarago ami niu.
Ei awa orara naso. Orara ami
Anutire tairo nuai amira ge ziai
zewai wamunoya. Ema dainiro
amira pasina disaise zozamunona."



Yesu meni Peto ro emo zo amuro ego senua awa, "O Simon, sana nini. Wuit zasero wasawera me ewe puti ewe awinowia ago ine Satan meni nikare puro zasero wasamu sero senu Anutu meni nininua. Ata na ni emo isa emoko sesena. Awa tuma diai niso besai azu isa sesena. Are ama ni noko ewesemuro otao mamai niso ziasa zewai wamunora."



Ago senu Petoŕo meni numore ego senua awa, "Tua, ni
benai sorata betaira bayasa na te bayamunona."
Ago senu Yesu meni ego senua awa, "Petoŕo, na
nimore me tona. Nine pi emire kokara ge kaka samure
'Na Yesu kaka gamu' ago sasa be etorobara
wamunoya." Ago senua awa.



Yesu bua mai nusore
susaumite ni bua zo zazo
Gesemani amira kei
awero Yesu meni bua
mai nusore ego senua
awa, "Nikare ego arumuro
itawa nane ogo bamuro isa
samunona." Isa ago toise
ego senua awa, "O Mama
naso, ni tani dapikarago wai
te inoya. Ni yaya ei awa naso
nana ena pumuyo. Ata
kotumai nasora kota, kotumai
nisora weyo."



Are Yesu bua mai nusore ago noiwa Yudas kerenai
ema ami pris babezinomare Farisayore amira polis eni
ata soldia eni awa puro gita wenu bana izimuro
lam gaero gi ami puro bamuwa awa. Ago
tuarise nusokare nana zo meni eriro
pris bamura soumai awa damu
wero dana wana mera awa
kesenua. Ago wenu Yesu nu
awa giro ego senua awa,
"Tani awa zeme do." Ago
sero nu wana poti danara
ninu ewanana wenua.



Ge ago senu nu saniro puro bamuwa. Nu puro pris
bamubake amira nana so duru bamuwa. Ata Peto
meni awa asike noise nu ama ganenua awa.

Nukare so amira goma
mokara toiwa eni meni
niao wero amire arumuro
awinoise itiwa Peto
nu numorekare
dai arumuro
itinua awa.



Ago senu pris
bamura soumai zo,
Petroro meni dana
kesenua amira dikai
zo, ami ego senua awa,
"Ina ni ni buara ena Yesure
dai dopero itesa geni, tanita?"
Ago senu Petroro meni noko begi
wenu amire kokara ge senua
awa. Petroro ge awa kotumuro
kei damu niro di bamu senua awa.




Ago senu nukare dapikarago eriro
nu puro baro Pilato nana potiwa.
Ago sewa Pilato meni nu atata wero
senua awa, "Ni Yuda emara ema tua
ni?" Asenu nu Pilatora ge ina toise
ego senua awa, "Iyo.
Tosa awa." Pilato meni
Yesu besamu sero
numorekare ge noko senua,
ata nukare noko zawa gatero


ego sewa awa, "Nu ni pasinaira
deu, nu ni pasinaira deu!"



Ago sewa giro Pilato meni ge
nusokare niniro Yesu ni pasinaira
betaise sero poti wana nusokarera
ninua awa. Are soldia meni Yesu puro
ni pasinai potiwa dimunu zebu zo
zazo nuso Giti Kopira Wetu, ota Yuda
gera Goligata, amira puro bamuwa
awa.




Puro baro ni pasinaira dewa awa.
Dero pasina mai eto ni pasinai
etora dero zo enibara zo
enibara Yesu soe ago
urewa dopewa awa.



Are waiko diti 12 klok wenu waikora zasimai tepo
wenu mume bamu kei awero zebu te wero itinu 3 klok
wenua awa. Ago wenu Anutura ibu bamura mo bamu
kimenai awa keero eto wenua.

Ago wenu Yesu nu zawa
pena-pana gatero ego senua
awa, "Mama, ititi naso wana
nisora potitinona." Ago
senu ozana nuso tepo
wenu betenua awa.



Arimatia natara ema zo zazo nuso
Yosefe, nu giti kopi dubu amira
ema zo zazore awa. Nu dai
Anutu imata Tua wero
nuamunoya amira be
dia noisonua. Are nu
ami tua zizinoinu be
bona sia waira be
kei awenu auma
awa Sabat pura

giro nu zewai
wero Pilato nana
bamuro Yesura woi
pumamu senua awa.




Senu Yosefe meni baro mo kapawai
ewanana zo zuma gaero puro
baro Yesura woi ni
pasinaira ena bataniro
mo ami ewero puro
omata so wamai
amira potinua. Ago
potiro omata zo
dereweninu baro
omata sora be

awa

gazenua
awa.



Fraide tuwe wena giti darawa wenu
Sarerera be zaawewa be amire
pris babezinomare
Farisayore nukare poti
dara niro Pilato nana
bamuwa awa. Bamuro
ego sewa awa, "Ema
tua nasokare,
nakare ge zo
kotupitinonakare,
awa
sanekare."



"Opi ema omi nu
seka noise ego toisonua
awa, 'Betero waiko be
etorobara wai amire
seka ziro eramunona.'"



Ago senu nukare soldiare dai baro
omata be gazai awa asi meni diwa.
Ago wero asi sona besara
itai gamu sero asi osino
eto awa ni saora mu meni
anewa awa. Ago wero
soldia eni bi diti dia
warise potiro
awewa awa.



Sabat pura tepo wenu Sande pina
atitinoinu Maria Madala natara
nu zazo nusoreto bi diti
gamu sero bamuwato awa.


Susauwato duwi bamu
sumunu Tuara angelo
zo meni utura ena
osero omata
musuninu enibara
bamunu

nu tame
arumuro itinua
awa. Are dia ema
nukare giro azu
wetu zipenu duro
ema bebetenai ine
wero itiwa awa.



Are bama eto baro kei awewato
angelo meni ego senua awa, "Nito
azu oko waweto. Na gosinona:
Nito Yesu ni pasinaira dai
awa gamu sero tupewato.
Ata nu ego oko itia.
Nu gita nimorekare
senua da ago wero
eria. Nito muuto,

masi nuso gaweto."



Angelo meni ago senu giro nuto bi diti
doro eya azu bamuwato. Ata nuto yawa
sara bamu dai wero bua mai nusore
oziga samuto sumai gege sumuro
bamuwato awa. Susauwato Yesu
meni ebete ena nuto tamunua.
Tamuro numoreto ego senua
awa, "Pina koko." Ago senu
nuto
nuso



nana zora koiniroto
te nuso ziwato awa.





Ama nu bua mai nuso 11 ami nena ninoise itiwa amire
nutope nusokare nana kei awenu giwa. Ema bama eni
meni Yesu erinu giwa amira ge sewa niniwa me kaka
wamu wenua amira nu nukare senenua.

Tua Yesu meni bua mai nusore ge senu tepo wenu
Anutu meni nu puro witiro poti utura ninu nu Anutura
wana mera arumunua awa.



Zo nu Anutura Mai tuma diamunoya
ami betaise kota, nu nuai me ewanana
tamaise sero Anutu meni ema nakai
emo duba bayao bamubake inoise
Mai nuso daimata potinu
osenua awa.



Roma 3:23

Nera kota, nakai dapikarago pasina wenakai. Are
Anutura simai zasimaire amira kei awai ine te
oko inowenakai.

Roma 6:23

Pasina meni soumai nusore ina potitinowia. Pasinara ina
awa Anutura nana asike itise yaya-buyaya tamai gege
tamai. Ata nakai Tua nasokai Yesu Kristora nana
taitinowenakai amira namorekai Anutu meni nuai me
ewanana awa nupe potitinowia.

Hibru 9:27

Erama meni awa be daimata gege betanisekai sai awa.
Betero amire Anutura giti mokara ge bua
wanisekai sai awa.



Efeso 2:8,9

Nu nikare emo dumi yagaba pupinoise tuma diai nisokare
emo wero nikare korawenua. Awa wai nisokarera kota,
Anutu nu nutope duba bayao nusora nimorekare ago
wenua awa. Wai nisokarera oko wenua. Ago wami sia, awa
nikare te tama puro witamewa. Ata tepo awa.

Roma 10:9,10

Ge si-tupewenakai amira susu ego ewa: Ni begiti niso
meni "Yesu nu Tua naso" ago tuamunosa, noko duba niso
meni "Anutu meni Yesu betaira ena awa-uzenu seka
wenua" ago ziro tata-tata wamunosa, awa Anutu meni ni
soero pumuro korawai ewanana wero nuamunosa. Nera
kota, nakai duba meni ziro tata-tata inoise saramaire
inowenakai. Noko begiti meni zazo nuso kerenitinoise
ewanana inowenakai awa.



Yohane 3:16,17

Zo nu Anutura Mai tuma diamunoya ami betaise kota, nu nuai me ewanana tamaise sero Anutu meni ema nakai emo duba bayao bamubake inoise Mai nuso daimata potinu osenua awa. Anutura Mai meni ema gera potaise kota, ema soyaise sero Anutu meni senu osenua awa.

1 Yohane 5:11-13

Susu kereninua awa ego ine itia. Anutu nu nuai me ewanana namorekai potinua. Nuai me ewananara mama awa Mai nuso. Are zo nu Mai nusore dara tairo nuamunoya ami nuai me ewanana pumamunoya. Ota zo nu Anutura Maire dara kaka tayamu wamunoya ami nuai me ewanana oko pumamunoya. Nikare Anutura Mai tuma didinowewa ami ego ninawise sero ge ei awa gainona awa: Nikare nuai me ewanana puro nowewa. Awa gawise sero gainona.



Matiu 26-28; Luka 22-24; Yohane 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Suena NT (sue) © 1978, Wycliffe Bible
Translators, Inc. All rights reserved.

<https://www.bible.com/bible/1206/MAT.1>

©2026 Bible for Children, Inc.

www.M1914.org

www.bibleforchildren.org

